

Stúdent skal hafa lokið meistaraþrófi í lögfræði eigi síðar en á því almanaksári þegar fjögur ár eru liðin frá innritun hans í framhaldsnám við lagadeild. Lagadeild getur veitt undanþágu frá þessu ákvæði um tímamörk ef veikindi eða aðrar vítaleysis-ástæður koma til.

6. gr.

Eftirfarandi breytingar verða á XIV. kafla reglnanna, sem fjallar um nám við hugvísindadeild:

1. Við upptalningu á kennslugreinum deildarinnar í fyrsta lið 1. mgr. 101. gr. bætist: íslenska fyrir erlenda stúdenta.
2. Fimmti liður 1. mgr. 101. gr. fellur niður.
3. Síðasti málslíður 1. mgr. 102. gr. fellur niður.
4. Yfirskrift 103. gr. breytist og verður: B.A.-próf.
5. Önnur málsgrein 103. gr. fellur niður.
6. Ákvæði 3. mgr. 103. gr. breytast og verða svohljóðandi:
Erlendir stúdentar sem stunda nám í íslensku fyrir erlenda stúdenta og hafa þegar nokkra þekkingu á íslensku geta uppfyllt námskröfur fyrsta árs með því að ljúka prófum fyrsta árs við upphaf haustmisseris ár hvert.

7. gr.

Lokamálsgrein ákvæða til bráðabirgða, sbr. 12. gr. reglna nr. 362/2004, breytast og verða svohljóðandi:

Ákvæði 119. gr. reglna þessara um að lágmarkseinkunn í raunvísindadeild skuli vera 5,0 (sbr. og 10. gr. reglna nr. 362/2004) gilda frá og með haustmisseri 2004 fyrir þá stúdenta sem skrá sig nýskrásetningu háskólaárið 2004 – 2005 eða síðar. Fyrir þá stúdenta sem skráðir voru til náms við deildina háskólaárið 2003 – 2004 gildir áfram lágmarkseinkunnin 4,0 í hverri prófgrein og lágmarksmeðaleinkunnin 5,50 í hverjum prófflokki, þ.e. tveimur misserisprófum sama kennsluárs. Heimilt er raunvísindadeild að fallast á beiðni stúdents um að nýrri reglur gildi um nám hans.

8. gr.

Reglur þessar, sem háskólaráð hefur sett á grundvelli laga um Háskóla Íslands nr. 41/1999, á grundvelli tillagna háskóladeilda hvað varðar 3. – 7. gr., öðlast þegar gildi.

Háskóla Íslands, 15. nóvember 2004.

Páll Skúlason.

Þórður Kristinsson.

SKIPULAGSSKRÁ

fyrir sjálfseignarstofnunina Upplestur.

1. gr.

Upplestur er sjálfseignarstofnun með sérstakri stjórn. Stofnunin ein ber ábyrgð á skuldbindingum sínum. Hún er að öllu leyti sjálfstæð. Heimili Upplesturs og varnarþing er í Reykjavík.

2. gr.

Stofnfé Upplesturs er kr. 600.000, krónur sexhundruðþúsund 00/100. Stofnféð hefur verið greitt af eftirfarandi aðilum:

<i>Nafn:</i>	<i>Kennitala:</i>	<i>Fjárhæð:</i>
Helga Hjörvar	020743-3609	10.000
Helgi Hjörvar	090667-4839	10.000
Þórhildur Elín Elínardóttir	140467-3409	10.000
Netbankasjóðurinn	630502-2330	570.000

Eigi má fara með eigur stofnunarinnar eða ráðstafa þeim á annan hátt en þann er samrýmist markmiðum hennar eða stuðlar að framgangi þeirra.

3. gr.

Markmið Upplesturs er að styðja og styrkja blinda og sjónskerta, menningarstarfsemi og þar með talið upplestur bóka og bókmennta og miðlun hans. Komi til að sjálfseignarstofnuninni verði slitið mun fjármunum hennar eingöngu verða varið til málefna í þágu almannaheilla í samræmi við tilganginn eins og honum er lýst í grein þessari.

4. gr.

Í stjórn Upplesturs sitja Helgi Hjörvar, kt. 260249-2319, Helga Hjörvar, kt. 020743-3609 og Þórhildur Elín Elínardóttir, kt. 140467-3409. Stjórnarmenn tilnefna hver um sig sinn varamann. Láti stjórnarmaður af störfum skal varamaður hans taka sæti í stjórn stofnunarinnar og skal hann þá um leið tilnefna nýjan varamann í sinn stað. Stjórnin kys formann stjórnar, varaformann, gjaldkera og skiptir að öðru leyti með sér verkum til eins árs í senn, í fyrsta sinn á stofnfundi í nóvembermánuði 2004. Á fundum stjórnar ræður einfaldur meirihluti atkvæða úrslitum. Falli atkvæði á stjórnarfundum jafnt hefur atkvæði formanns tvöfalt vægi. Formanni stjórnar er skylt að boða fund ef einn stjórnarmaður krefst þess. Það sem gerist á fundum stjórnar skal bókað í gerðabók. Formaður kemur fram fyrir hönd Upplesturs og er forsvarsmaður hans á opinberum vettvangi. Gjaldkeri ber ábyrgð á færslu reikninga og skýrslugerð til Ríkisendurskoðunar skv. 1. mgr. 3. gr. laga nr. 19/1988.

Stjórnarmenn skulu ekki hljóta þóknun fyrir starfa sinn.

5. gr.

Stjórn Upplesturs fer með æðsta vald stofnunarinnar, mótar stefnu og starfstilhögun og vinnur að markmiðum hennar skv. 3. gr. Stjórnin hefur yfirumsjón og eftirlit með öllum mállefnum, eignum og rekstri Upplesturs, setur henni og starfsfólki reglur og kemur fram fyrir hönd hennar, m.a. gagnvart þeim sem veita henni fjárhagslegan stuðning. Stjórnin ber ábyrgð á fjárvörslu Upplesturs. Formaður kemur fram fyrir hönd Upplesturs og er forsvarsmaður stofnunarinnar á opinberum vettvangi. Gjaldkeri ber ábyrgð á færslu reikninga og skýrslugerð til Ríkisendurskoðunar skv. 1. mgr. 3. gr. laga nr. 19/1988. Stjórnin ræður löggiltan endurskoðanda eða endurskoðunarfélag til að yfirfara reikninga Upplesturs. Stjórnin hefur heimild til að skipa nefndir um sérstök verkefni. Boða skal ársfund fyrir lok maímánaðar með a.m.k. viku fyrirvara. Á ársfundi skal stjórn leggja fram skýrslu um starfsemi ársins, ársreikning fyrir undangengið fjárhagsár ásamt áætlun um starfsemi komandi árs. Endurskoðaðir reikningar skulu sendir Ríkisendurskoðun eigi síðar en 30. júní ár hvert fyrir næstliðið ár ásamt skýrslu um hvernig fé Upplesturs hefur verið ráðstafað á því ári, sbr. ákvæði 3. gr. laga nr. 19/1988.

6. gr.

Tekjur Upplesturs eru eftirfarandi: Stofnfjárframlag, framlög aðila samkvæmt samningum stofnunarinnar við þá, framlög opinberra aðila, fyrirtækja, samtaka og einstaklinga og aðrar sértekjur.

7. gr.

Skipulagsskrá þessari verður aðeins breytt með samþykki stjórnar og með heimild dómsmálaráðherra að fenginni umsögn Ríkisendurskoðunar. Sama gildir um ákvörðun um að leggja Upplestur niður. Í því tilviki skal eigum Upplesturs ráðstafað með tilliti til markmiða stofnunarinnar.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 19. nóvember 2004.

F. h. r.

Hjalti Zóphóníasson.

Bryndís Helgadóttir.

SKIPULAGSSKRÁ

fyrir sjálfseignarstofnunina Hvalamiðstöðin á Húsavík.

1. gr.

Hvalamiðstöðin á Húsavík er sjálfseignarstofnun með sérstakri stjórn. Stofnunin ein ber ábyrgð á skuldbindingum sínum. Hún er að öllu leyti sjálfstæð. Heimili Hvalamiðstöðvarinnar á Húsavík og varnarþing er á Húsavík.

2. gr.

Stofnfé Hvalamiðstöðvarinnar á Húsavík er kr. 600.000, krónur sexhundruðþúsund 00/100. Stofnféð hefur verið greitt af eftirfarandi aðilum:

<i>Nafn:</i>	<i>Kennitala:</i>	<i>Fjárhæð:</i>
Hvalamiðstöðin á Húsavík ehf.	561297-3479	600.000

Eigi má fara með eigur stofnunarinnar eða ráðstafa þeim á annan hátt en þann er samrýmist markmiðum hennar eða stuðlar að framgangi þeirra.

3. gr.

Markmið Hvalamiðstöðvarinnar á Húsavík er að reka fræðslumiðstöð og safn um hvali, lífríki þeirra hér við land ásamt því að veita almennar upplýsingar um sögu hvalveiða og hvalaskoðunar. Hvalamiðstöðinni er einnig ætlað að safna upplýsingum, sögum, gögnum og gripum sem tengjast markmiðum safnsins ásamt því að stuðla að rannsóknum á hvöllum án þess að skaða þá. Þá er safninu ætlað að verka og varðveita beinagrindur af hvöllum, höfrungum og hnísum sem festast í veiðarfærum eða stranda við Ísland eftir því sem ástæða þykir til eða aðstæður leyfa. Safnið skal einnig leitast við að miðla almennri fræðslu um lífríki sjávar, þar á meðal; fræðslu um lífkeðjuna í sjónum, hafstrauma, fiskistofnana, sjálfbæra nýtingu auðlindarinnar, umgengni við auðlindina, hættur sem stafa af mengun, rannsóknir á lífríki sjávar og fleira. Einnig verslun með minjagrip og tengd starfsemi. Komi til að sjálfseignarstofnuninni verði slitið mun fjármunum hennar eingöngu verða varið til málefna í þágu almannaheilla í samræmi við tilganginn eins og honum er lýst í grein þessari.